

Na osnovu člana 8. Zakona o javnim preduzećima u F BiH (Sl. novine F BiH br.8/05, 81/ 08 I 22/ 09) a u skladu s članom 53. Statuta KJKP "Toplane-Sarajevo" d.o.o i Odlukom Nadzornog odbora, broj: 01- 30- 05/ 19 od 22. 05. 2019. godine, Nadzorni odbor raspisuje

K O N K U R S

za izbor Predsjednika i članova Odbora za reviziju

KJKP "Toplane-Sarajevo" d.o.o.

1. Objavljuje se javni konkurs za izbor Predsjednika i članova Odbora za reviziju KJKP "Toplane - Sarajevo" d.o.o.

2. Opis pozicije

Odbor za reviziju je nadležan da:

- Imenuje vanjskog revizora
- Imenuje direktora Odjela interne revizije na osnovu javnog konkursa za izbor tehnički najbolje kvalifikovanog kandidata
- Donosi poslovnik o radu Odbora za reviziju
- Usvaja Strateški plan interne revizije
- Usvaja Godišnju strategiju rizika po prijedlogu Odjela interne revizije u kojoj su prikazane pojedinosti u pogledu rizičnih područja
- Odobrava Plan revizije, po prijedlogu Odjela interne revizije
- Osigurava da Odjel interne revizije obavlja svoje obaveze u skladu sa međunarodnim revizorskim standardima
- Usvaja izvještaje Odjela interne revizije o izvršenim revizijama
- Razmatra izvještaj eksternog revizora i očituje se o datom mišljenju i eventualnim preporukama, te očitovanje upućuje Upravi, Nadzornom odboru i Skupštini
- Daje mišljenje na prijedlog Uprave o načinu raspodjele dobiti odnosno pokriva gubitaka Nadzornom odboru
- Daje nalog Odjelu interne revizije o vršenju vanrednih revizija, na zahtjev organa upravljanja
- Daje mišljenje i preporuke Nadzornom odboru o finansijskim izvještajima na polugodišnjem i godišnjem nivou
- Daje mišljenje i preporuke Nadzornom odboru o izvještajima Uprave o nabavkama
- Daje preporuke Upravi o uočenim nepravilnostima
- Podnosi Nadzornom odboru mjesečne izvještaje o svojim sastancima, izvršenim revizijama od strane Odjela interne revizije sa opisom preporuka datih Upravi
- Podnosi Skupštini izvještaj o radu
- Obavlja i druge poslove u skladu sa zakonom

2. Mandat

Članovi Odbora za reviziju (Predsjednik i dva člana) se imenuju na period od četiri godine, s mogućnošću obnove mandata. Sa imenovanim članovima Odbora za reviziju, na osnovu odluke Skupštine Preduzeća zaključuje se ugovor kojim se regulišu ovlaštenja, odgovornosti i visina naknade. Izbor članova vrši Nadzorni odbor, a imenovanje Skupština Preduzeća

3. Uslovi

Kandidati moraju ispunjavati opće i posebne uslove.

a) Opći uslovi

- da nije otpušten iz državne službe kao rezultat mjere na bilo kom nivou u BiH, u periodu od tri godine prije dana objavljivanja upražnjene pozicije
- da se na njega ne odnosi član IX 1. Ustava BiH
- da nije na funkciji u političkoj stranci
- da nije osuđivan za krivično djelo i za privredni prestup nespojiv s funkcijom člana Odbora za reviziju
- da mu presudom Suda nije zabranjeno obavljanje aktivnosti u nadležnosti Odbora za reviziju
- da nije mlađi od 18 godina na dan imenovanja

- da nije član Nadzornog odbora niti Uprave preduzeća
- da nije zaposlenik Preduzeća, te da nema direktni ili indirektni finansijski interes u Preduzeću, osim naknade po osnovu te funkcije

b) Posebni uslovi

- (VSS) ekonomskog ili drugog društvenog smjera
- najmanje 3 (tri) godine radnog iskustva na poslovima računovodstva ili pravnim poslovima
- sposobnost za savjesno odlučno i odgovorno obavljanje dužnosti na poziciji člana Odbora za reviziju
- posjedovanje sertifikata ovlaštenog revizora

Jedan član Odbora za reviziju može biti dipl. pravnik, sa položenim pravosudnim ispitom i najmanje 3(tri) godine iskustva na pravnim poslovima, uz ispunjene ostalih opštih uslova

4) Potrebni dokumenti:

- biografija sa adresom i kontakt telefon
- diploma o stečenoj stručnoj spremi
- dokaz o radnom iskustvu na poslovima računovodstva
- potpisane izjave ovjerene od strane općinskog organa za uslove 3.a) (ne starije od tri mjeseca)
- reference ili preporuke za uslov 3.b) 3
- Certifikat za uslov 3b) 4

Tražena dokumentacija mora biti u originalu ili ovjerene fotokopije.

Kandidati koji uđu u uži izbor biće pozvani na intervju u roku 10 dana od dana isteka roka za podnošenje prijava.

Prijave kandidata s kojima se ne stupa u kontakt u roku od 10 dana od dana isteka roka za podnošenje prijava neće se uzimati u razmatranje u daljem postupku za izbor.

Kovertirane prijave sa traženim dokazima dostaviti na adresu:

KJKP "Toplane-Sarajevo" d.o.o., Sarajevo

Ul. Semira Frašte br.22

71000 SARAJEVO

sa naznakom

PRIJAVA ZA JAVNI KONKURS

(Za Odbor za reviziju)

- NE OTVARATI -

Nepotpune i neblagovremene prijave neće se uzeti u razmatranje.

Javni konkurs ostaje otvoren 15 dana od dana posljednjeg objavljivanja.

Preduzeće nije obavezno vraćati dokumentaciju dostavljenu uz prijavu.